



花韻菴主人填詞

花間九奏

本菴藏板

花韻菴主人填詞
花間九奏
本菴藏板



花間九奏題詞

伏生授經

百篇典誥化秦灰幸有通儒在草萊
畱得帝王經世術至今傳信在蘭臺

羅敷采桑

蛾眉自昔產邯鄲使者旌旗過澗槃
富貴嚇人真一笑兒夫早著侍中冠

桃葉渡江

紅顏在世易摧殘好處相逢自古難
誰似渡江人計

花間樂府

題詞一



穩一生魚水見真歡

桃源漁父

避秦人去不知年漁父重來亦惘然獨有淵明能著錄由來隱逸近神仙

梅妃作賦

開元天子本多情看到驚鴻百媚生誰料一朝輕決絕都緣讒諂蔽王明

樂天開閣

聲色娛心慾界中達人覷破總成空樊姬偕老蠻姬

去各有因緣事不同

賈島祭詩

新詩一字費推敲邂逅相逢卽締交如此憐才人不
易鑄成瘦島配寒郊

琴操參禪

文章太守玉堂仙接引迷人到佛前知道箇儂根器
好片言參透老婆禪

對山救友

友生急難爲同方覆雨翻雲事亦常試看中山狼一

曲崆峒畢竟負康郎

花間九奏

花韻庵主人著

伏生授經

羅敷采桑

桃葉渡江

桃源漁父

梅妃作賦

樂天開閣

賈島祭詩

琴操參禪

對山救友

伏生授經

旦上萬卷藏書付劫灰。補天還仗女媧才。皇天再啓文明運。官裏差人問字來。俺乃濟南伏生之女。俺爹爹生在周時。官爲柱史。家傳尚書之學。因爲秦始皇并吞六國。焚書坑儒。爹爹逃入濟南山中。不敢出世。白白的虛度了一生。當今漢室開基。掃除凶逆。文明再啓。士氣重新。置寫書之官。懸獻書之賞。禮儀樂章。漸復舊觀。止有尚書未出。近日朝廷知道我家世習尚書。特差大中大夫晁錯前來。

傳受方纔濟南府差人來說，欽使已到驛亭，恐怕一時到來，不免請出爹爹準備則箇。爹爹有請，外扮伏生扶杖上。

商黃鶯兒。世事劫灰餘，莽乾坤一腐儒。胸中萬卷完無蠹，望金門石渠儘高才鉅儒。三謨二典無尋處，幸我守窮廬。願斯文不喪，勝上了萬言書。

我兒，請我出來，有何話說？旦方纔府中有人來說，晁大夫已到驛亭了。外噯，果有此事，可喜呵可喜。你爹爹行年八十，早是死數裏的人了，只爲這幾

卷書，無人傳受，終日放心不下，怕的是我死之後，天下讀書種子絕了。今日幸逢聖主，崇儒重道，差官到此，蒐訪遺書，我將這書傳授與他，我一生的心事就完了。生扮晁錯末隨上。

前腔奉旨訪遺書。道東方有大儒，典謨訓誥曾親注。我驂駢疾驅，問山中草廬。此間已是他幽栖處，左右通報，立須與柴門晝掩，剝啄鳥驚呼。

末有人麼？旦出介。那箇末晁大夫奉旨前來奉訪，旦少待進介。晁大夫到了，外請進來。旦大夫有請，

生進見介先生。外呵呀，大夫遠來，老夫年過八旬，手足龍鍾，不能成禮，望大夫恕罪，請坐罷。生有坐。外老夫鐘鳴漏盡，已是老朽的人了，大夫不遠千里，枉顧山中，有何台諭。生先生聽啓，下官呵。

風馬兒位列中朝上大夫，金門下近宸居，幸遭逢昭代，崇儒素親奉著聖人，綸綍搜訪帝王書。

外原來爲此，大夫阿，論起這尙書來，原是老夫世傳家學，耐耐秦皇無道，他焚的是書，坑的是儒，那時老夫因有這箇聲名在外，看看禍事臨頭，急急逃到山中躲避，那些家藏簡冊，棄之不暇，那里還敢畱藏一箇字。

二郎神慢非虛語，論秦法虎狼猶過，綠字赤文先聖著，都付與咸陽一炬。那時老夫呵，混入農夫樵父裏，生怕着儒冠望誤，偷生在深山窮谷，也顧不的編殘簡蠹。

生呀，如此說來，書已亾失了，下官不得此書，如何回覆得聖人的命。外也罷，老夫年老智昏，讀過的書，十忘八九，指旦介我這小妮子，自幼姿性聰明。

老夫曾將尚書口授過幾篇與他，只怕他還記得。今日教他背誦出來，就煩大夫傳抄回去。如何？生如此極妙的了。生據案設紙筆介外我兒過來，你可將讀過的書一一說與大夫知道。旦曉得。前腔換頭聽訴。唐虞聖主，剛湊着皐夔賢輔。主聖臣賢，交泰日成就了。乃文乃武，牧野鳴條多變局。久經過幾番劫數，抵多少禮樂兵農，貢獻皇家。難道空言無補。

生寫畢介請問先生這書篇共有多少外大夫聽啓這書呵。

集賢賓百篇序錄賢聖徒。俺見時尚在總角之初。八十光陰等閑過，強尋思一半模糊。生不知別處還有收藏之家否外一番禁錮多分與草根同腐生偌大世界，難道就沒有第二箇藏書之家外聽得曲阜孔家壁中藏有漆簡，今日呵，知他在否。又經過滄桑幾度。

生起介書已寫完就此告別外山居荒僻，褻瀆大夫。

鶯啼序。貴人車騎空見過。歎門巷荒蕪。我病龍鍾。常倩人扶對。嘉賓禮數全無。但願得包容。恕我謝則謝。當今聖主勤訓誥。蒐訪到草茅愚魯。

大夫慢行，恕老夫不遠送了。生別先下外今日我好喜也。

簇御林。我守殘年似隙駒。抱遺經學蠹魚。這回釋了千金負。指授他章和句。他轉皇都想鴻都門外。觀者塞街衢。

旦爹爹勞神了，進去安息安息罷。

尾聲合聖賢事業今相付。不枉却朝廷求取。分付那子子孫孫勤讀書。全下

羅敷采桑

南呂引子旦扮羅敷上。三月郊原春好處。柴門外芳草平鋪。紅杏村邊綠楊橋畔。乍見鳴鳩拂羽。

日出東南隅，照我秦氏樓。秦氏有好女，自名為羅敷。羅敷喜蠶桑，采桑城南隅。青絲為籠繩，桂枝為籠鉤。頭上倭鬢髻，耳中明月珠。細綺為下裙，紫綺為上襦。東方千餘騎，夫婿居上頭。何用識夫婿，白馬從驪駒。十五府小吏，二十朝大夫。三十侍中郎，四十專城居。盈盈公府步，冉冉府中趨。坐中數千

人皆言夫婿殊，俺秦氏羅敷，趙國邯鄲人也。自幼許與千乘王仁爲妻，俺丈夫現任爲趙王家令，常川在府中供職，俺依父母同居，父母原是莊家，守著些田園地畝，過些本分日子。如今暮春天氣，蠶事方興，鄉里人家多要采桑養蠶，俺不免趁著天色晴明，且到陌上采些桑葉回來應用。提籃行介：你看日暖風和好天氣啊。

嬾畫眉旦桑下微行步徐徐，草色遙看近却無。聽聲聲杜宇樹間呼，悔教夫婿封侯去。人在幽風古畫圖。

旦立高處采桑介小生副淨扮二公子上

前腔生淨合閑步春郊采薜蘿，聽得林鳩把婦呼。猛然間見箇靜女在城隅，翩翩疑是神仙侶。不信藍橋在此塗。

我們邯鄲城中兩箇少年，今日結伴遊春到此。副淨指旦向生介：兄啊，你看桑陰之下，這箇婦人竟有十分顏色，我和你上前一覷如何。小生搖手介：我看此女體態幽閑，不是尋常百姓人家，不要惹出事來，我和你且到別處去罷。全下

前腔外扮田父上春至田家把犁鋤。小雨初過滑似酥。丑扮樵夫上一生事業在樵蘇。行行蹋徧青山路。
喚外介哥啊你看見桑陰一女無。

外你不要亂說。這是俺村裏秦善人家的姑娘。他的女婿現在趙王駕下爲官哩。丑呀。險些惹出禍來。我們分路去罷。分下淨扮勸農使者領衆上。淨雨後有人畊綠野。月明無犬吠花村。俺乃趙國一箇勸農使者是也。今日準備花酒出郊勸農。左右就此打道前往。衆應繞場行介。

不是路。淨後擁前呼。笑看桑麻滿路隅。行春處。五花頭踏向前趨。作見旦驚望介。呀。比門居。不過些亂頭粗服田家婦。怎地有傾國傾城一艷姝。真奇遇。且教車騎權停住。試傳言玉女。傳言玉女。

左右與我喚那采桑女子過來。雜應作喚介。兀那采桑女子。俺大老爺勸農到此。有話問你。快來相見。旦春郊官駐花間騎樂府人傳陌上桑。福介使君有禮了。淨你是誰家女子。

賺旦側身背立介。秦氏羅敷錦瑟華年十五餘。淨你

家在何處，**旦**指介鄉中住綠陰深處有茅廬。**淨**你有這般顏色，怕沒有富貴人家配耦，緣何自己在此采桑。**旦**論工夫，后妃尚習蠶桑務，敢道提籠采葉，劬田家路，休教旌旆多停駐，請移尊步，請移尊步。

淨你究竟是何等樣人家之女，這般大模大樣，俺乃趙王駕下勸農使者，官居上大夫之職，今日與你有緣相遇，意欲載你回去，共享榮華，你意下如何。**旦**怒介噤聲。

仙**解三醒**俺是箇守三從閨中少婦，倚爹娘掌上明

珠，怪無端狹路相逢處，漫相招載後車，你把我牆花野草，輕窺覷，須識我羅敷自有夫。**淨**你丈夫是何人，**旦**非虛語，人人道東方千騎夫，婿偏殊。

淨這等說來，是箇官宦人家婦女了，你究竟是什麼人的妻室。**旦**使君聽啓，俺乃秦善人之女，自幼配與千乘王仁爲室，俺丈夫啊。

前腔換頭**旦**他也曾荷王恩，身享千鍾祿，號尊官車，前五馬驅，他侍中郎四十專城駐，我豈是路旁妹，你道三生石上，早有因緣注，怎知我一片冰心，在玉壺。

心中怒。良人不見。見此狂且。

〔淨〕呀，原來是王家令的夫人，下官多多唐突，改日負荆請罪罷。〔旦〕弔場介咳，這是那里說起。
尾聲沒來由，今朝采桑去，不提防與這狂夫相遇。怎知俺羅敷呵，明詩習禮，不是桑中婦。徑下。

桃葉渡江

〔老旦上〕古云淮海是維揚，第一江南佳麗場。明月二分絲竹夜，珠簾十里綺羅香。老身唐氏，原是淮陰人，丈夫邱迪，積祖莊家人家，守着幾畝田地，過日子，不想連年水旱凶荒，只得攜了家口，到這揚州城中，尋趁些生計，在這小秦淮上，賃了幾間房屋，開箇酒店，胡亂混些衣食，也就罷了，誰想我那天殺的，鄉里人不曾開過眼，走到這繁華地方，喫好的，穿好的，三朋四友，喝酒賭錢，還要嫖小娘，每

日所進不敷他的所出，把箇家業廢了，又弄成一箇勞怯之症，死了，也沒有生箇男子，單單丟下兩箇女兒，大的喚做桃葉，小的就喚做桃根，因爲流寓異鄉，取着那葉落歸根的意思。先時桃葉許與建康城中王公子爲妾，那公子名喚獻之，是王將軍第七箇兒子，年紀不滿三十歲，生得來風流倜儻，才貌雙全，他見桃葉天性伶俐，十分喜歡，只因桃葉年幼，尙未成婚，今年桃葉十七歲了，公子揀定這三月十五日，替他上頭，所以老身把他接回

家下來，替他製辦些衣飾，看看已是初十過了，怕王家早晚有人來接他，不免喚他出來，準備準備。

〔喚介〕女兒快來，旦桃葉貼桃根全上。

仙呂入雙調風入松。旦東風搖曳綠楊絲，春色正佳時。生來自保千金體，幸良緣得附高枝。心切切隨郎滋味，夢依依別母情思。

〔見介〕母親老旦兒阿，你佳期已近，怕王公子早晚

有人來接你，須要趁早打點打點，省得臨時急忙。急促。旦曉得老旦桃根，你也幫着姐姐收拾收拾。

將來你就跟了姐姐過去，學些規矩也好。貼是全
收拾介老旦兒呵。

前腔這是髻上香纓八寶施。這是雙珥綴着珠璣。這
是鳳頭鞋穩稱着春趺細。這是畱仙袂六幅雲垂。低
介還有定情時使用的鮫綃帕子。你一椿椿都收歸
了。黃竹箱兒。

丑上門外鵲聲傳好事。袖中錦字寄佳音。自家乃
建康烏衣巷王府一箇安童。奉我家公子之命。到
揚州迎接新姨娘。此間已是有人麼。老旦出問介。

是那箇。丑媽媽。我是王府安童。公子差來迎接新

娘的。出書介有書一封在此。船隻就在河下。媽媽

教新娘快快收拾登舟。我家公子親自在秦淮渡

口迎接哩。不要耽擱了。老旦如此請少待。進介兒

阿。早是收拾停妥了。你家公子果然差安童來接

你了。哪有書在此。旦接書拆看念介。桃葉復桃葉。

渡江不用楫。但渡無所苦。我自迎接汝。老旦安童

說。公子親自在秦淮渡口接你。快快端整登舟。不

要耽擱。教公子在彼盼望。旦哭介。呀。娘阿孩兒此

去，就是別人家的人了，教我如何捨得你。**老旦**拭淚介。阿呀，見阿女兒家，就養到一百歲，總是別人家的人，況且公子這般鍾情於你，你的終身有託，這就是萬千之幸了，不要傷心。**旦**娘阿，你得開時，要來看看孩兒的，**老旦**我今日且教妹子陪你過去，我改日親來看你。**旦**如此，媽媽請上，孩兒

拜別，**拜介**

前腔念娘親垂暮鬢如絲，又膝下無兒養箇女娃娃。長大從人去，慈烏老反哺無時。**老旦**兒阿，你諸事小

心，公子既然歡喜你，你要加倍勤謹，就是在他人跟前，也要加一倍的謙和，切不可倚寵生驕，討人嫌妬。

旦謹依母親慈命，孩兒是就此登舟去了，娘，你進去

罷。**老旦**桃根，你在我姐姐那里，不要淘氣。**貼**曉得，老

旦一紙青鸞信，至百年白首同歸。**先下****丑**船家那里，

淨應介來哩來哩，阿是新娘娘下船哉，等我搭好

子，扶手勒介。**旦**貼**丑**登舟介。**旦**

朝元令你看桃枝柳枝，春色從天至。鶯兒燕兒，花裏羣遊戲。想那黃閣家聲，烏衣門第，其中有箇人兒幾

日分離他心我心兩地知一點有情癡終身誓不移
試看取新詩一紙有萬般情思萬般情思全下

生扮王獻之上書當快意讀易盡心有可人期不
來小生王獻之因爲今日桃葉渡江過來許他親
至秦淮迎接此間已是不免靜候則箇想我和桃
葉呵

前腔花時月時多少歡娛事家宜室宜也有箇桃夭
意片石三生新詩一帛分明說與佳期遙望江湄音
兒信兒恁地遲莫不是慈母苦牽衣莫不是石尤風

倒吹看揚州綠楊如咫盼不到渡江人至
哦此間有一座臨江水閣不免登高一望作登樓

介旦貼丑乘舟上

前腔合心馳意馳先向江南地帆遲槳遲巴不到秦
淮市靄靄停雲滔滔逝水風來襟袖先知萬頃漣漪
中流一舟迅若飛他天際識舟歸斜陽漸漸西遙望
見畫樓高啓有箇人危欄獨倚危欄獨倚

生遠遠望見江上一舟向秦淮渡口擺來想是桃
葉到了不免下樓迎接下樓介旦等泊舟登岸相

見介旦相公果然在此生小生清早就來奉候旦
這等奴家如何當得起生指貼介此位何人旦是
舍妹桃根向貼介過來見了相公貼見介生妙阿
芙蓉出水豈蔻含胎又是一位天香國色今年芳
齡多少了旦他今年纔交十三歲我娘因家內無
人不能出門所以教他送我來的生如此甚好且
在我家住幾時去旦多謝相公生我們一全回家
去罷丑我去起行李先下生攜旦手貼隨旦繞場
行介生

前腔風姿月姿人與嫦娥似文奇福奇遂得男兒志
舊夢重圓新歡初試費他宛轉撐持幾日分離三秋
一刻信有之春到海棠枝防他小妹知今夜月明風
細要領略溫柔滋味溫柔滋味全下

桃源漁父

老生扮陶淵明上集唐五柳先生本在山。幾回青
瑣點朝班。洛陽親友如相問。千里江陵一日還。老
夫陶潛。表字淵明。潯陽人也。先時因家貧求祿。曾
爲彭澤縣令。聊試牛刀之用。非貪雞肋之甘。耐
晉室中衰。仕途龐雜。賢愚不辨。賄賂公行。一日有
箇督郵到縣。騷擾得俺縣中雞犬不寧。我想這等
世界。有甚青紅皂白。俺官卑職小。與那鄉里小兒
爭甚麼閑氣。因此辭官而歸。這也不在話下。今日

重陽佳節，天氣清明，要采些菊花釀酒，不免迤遲尋去。

中滿庭芳。世事如棋。官場如戲。故園松菊，都荒一朝。解組歸去，到潯陽，欲保黃花。晚節暗消磨，老圃秋光，閑凝想。此中真意，欲辨已先忘。下

外扮太守王宏末從人丑挑酒盒隨上外

前腔換頭。榮華非我願，偶然承乏，備位黃堂。幸地僻年豐，物阜民康。惟有柴桑處士，幾多時未接清光。空望着少微星在，邂逅苦無方。

下官王宏官拜本郡太守，一向欽慕陶公高義，無奈招之不來，就之不見，今日重陽佳節，料他必到山中采菊，因此攜帶酒肴先在旂亭相候。過來末
有外你在道旁偵候，倘陶處士來時，卽忙通報。末
曉得。生上

前腔。山中秋氣爽，黃花開徧，滿路芬芳。呀，迤遲行來，此間已是旂亭了，看竹屋茅檐，一帶斜陽，門外綠楊繫馬。有嘉賓自引壺觴。這裏是賣酒的，不免進去草酌三盃，新篘熟杖頭有鈔，一醉也何妨。

外迎出介淵明先生生呀太守在此有失迴避多
多得罪外如此秋光豈可虛度適攜有酒肴在此
請先生同坐一醉如何生有何不可生外席地對
坐介末斟酒介外先生呵

前腔幾年縈夢想奈風塵俗吏瞻晉無方我羨你清
風高節今代無雙今日難得與先生相遇請開懷暢
飲一盃生舉酒介請恁地主人情重便開懷暢飲何
妨外照盃介妙阿從今後我遣白衣送酒準備你醉
千場

丑扮漁父上忙將仙界事報與貴人知自家乃武
陵一箇捕魚人是也前日無心中闖入桃花源看
見了許多奇奇怪怪的事要到府中報與太爺知
道太爺不在府中聽見有人說在旂亭賞菊飲酒
故此一路尋來此間已是不免徑入進見介太爺
在上漁人叩頭外哦漁翁何來丑起唱介

仙呂甘州歌明公聽表我捕魚爲業偶泛輕舸忽見桃
花千樹夾着一溪芳草行行不知山路杳直向仙源
走一遭外怎見得便是仙界丑林窮處路一條沙明

水淨絕塵囂。非都邑。非市朝。壺中日月甚逍遙。

外那里可有甚麼景致。丑有景致呵。有景致。

前腔換頭一般的良田阡陌交。有桑麻雞犬。比鄰相保。東來西去。多少黃髮垂髫。衣豐食足。生計饒富。不荒淫。貧不盜。無官府。無律條。不知詞訟與征徭。婚相慶。喪相弔。依稀風俗古。唐堯。

外你可曾問他們。還是土著的。還是他方遷徙來的。丑我也曾問來的。

前腔他道黃虞世祀遙。爲當時逃避。祖龍無道。男婚。

女嫁。此中自度昏朝。外他們可知外邊的事麼。丑他他他不知世有炎漢朝。何況孫曹司馬號。千花艷。百鳥嬌。幽風有稿倩。誰描無災眚。多壽考。四時和氣樂陶陶。

外他們見了你。如何看待。丑他們見了小人。好不歡喜哩。

前腔他道仙凡路逕遙。有誰人指引。尋蹤來到。似曾相識。處處雞黍相邀。外他們對你怎麼說。丑他道此中久與塵世拋。倘遇他人休亂道。外你幾時回來的。

丑桃花水生夜潮清溪一路泛歸橈。外你如何到此
時纔來。丑阿呀小人三月裏去的沒有住得幾日不
想回來已是深秋了。外我如今要你再去年還認得
麼。丑如何不認得我重回首敢憚勞那峰回路轉我
一一的記堅牢。

外異哉不想世上有此神仙之所我輩終日忙忙
碌碌倒不如這漁父有此仙緣敢煩淵明先生大
筆記之傳於後世。生領命。外過來領這漁父去賞
他酒飯。末應同丑先下。

生問予何事栖碧山。外笑而不答心自閑
合桃花流水杳然去。別有天地非人間。

分下

梅妃作賦

仙步步嬌旦扮梅妃上歎瓊姿一樹瑤臺現早向春風展論好處是天然無奈君心霎時更變別有箇俏嬋娟似明珠一顆在心頭嵌

集唐南宮歌舞北宮愁每日凝粧上翠樓何必君恩能獨久涼風只在殿西頭奴家江氏采蘋廣南人也自幼被選入宮侍奉開元天子仰荷聖恩十分寵幸封爲貴妃領袖六宮膺翟茀之光華受龍光之顧盼每道我清才吐鳳夢中綵筆會傳妙舞

驚鴻場上珍珠可掃。自謂一生榮遇。百歲良緣。誰料一日把壽王宮內楊玉環。宣召入宮。也冊爲貴妃。那箇楊氏。妖性媚人。讒言惑主。他的新恩日渥。我的故寵日移。近來把我遷到上陽宮安置。阿呀。長門寂寞。永無魚貫之期。永巷淒涼。久絕羊車之迹。仔細想來。好不頹氣人也。拭淚介。

醉扶歸。慘淒淒日近龍顏遠。靜悄悄宵長蝶夢慳。這深宮無事晝如年。倚闌干細看斜陽轉。不爭他笙歌別院笑聲喧。閃的我伶仃瘦影孤燈伴。

想我初進宮的時節。聖上何等愛惜。何等順從。因我性愛梅花。賜號梅妃。特敕廣南節度使置驛貢梅。以供清賞。這樣恩情。如今再不能覿了。

皂羅袍。記得袞裯初薦。正春光二月。萱蔻花妍。嶺南百騎著鞭先。詠花人常坐瓊枝畔。暗香疎影。芳名並傳。冰肌玉骨。風姿似仙。到如今孤眠紙帳。盼不到天憐念。

我聽得楊妃的哥哥楊國忠。官居宰相。招權納賄。顛倒朝綱。姊妹三人都封大國夫人。奢侈淫逸。無

所不至，又有一箇什麼安祿山，本是箇失機的邊將，與楊妃認爲母子，宮中出入無禁，近日封爲東平郡王，聖上春秋旣高，一味優容，絕無防範，只恐禍機一發，後悔難追。阿呀，萬歲呵，你也忒煞聖度如天了喏。

好姐姐，他倚椒房薰天勢，還有那安公子金閨閑串，假說是美人拜母，洗兒時更賜著錢私相戀，明欺著九重耳目如天遠，一任塞上胡雛傍母眠。

隔尾 我前思後算愁無限，我生不逢辰敢怨天，我且

守著一翦寒梅，閑過遣。

老旦扮小黃門上 中官非貴常稱貴，天子無愁亦有愁，俺翠華西閣一箇小黃門是也，今早奉萬歲爺的聖旨，把珍珠一篋送與梅娘娘，來此已是上陽宮，不免逕入叩見介，娘娘在上，奴婢叩頭。旦 你何事到此？老旦 奴婢今早奉萬歲爺分付，有珍珠一篋，賜與娘娘，特令奴婢送來，珠篋在此，請娘娘收受。旦 噯，小黃門啊，我遷置在此，有甚心情要這珍珠何用？我在此間呵。

山坡羊冷清清似秋風的紈扇。虛飄飄似辭枝的花片。望迢迢無路瞻天。病恹恹雙鬢飛蓬亂甚。因緣荷君恩。又垂盼我形骸土木。經時變膏沐。雖施向若箇妍。老旦萬歲爺倘若問起娘如何回奏。旦嗔你只道我安然守空房度歲年。老旦娘娘有何話說。奴婢當轉達天聽。旦咳難言。這裏懷止自憐。

老旦如此說來教奴婢怎生覆旨。旦沈吟介也罷。我有詩一首待寫來與你持去。陳於聖上罷。寫詩介桂葉雙眉久不描。殘粧和淚污紅綃。長門盡日

無梳洗。何必珍珠慰寂寥。付老旦介小黃門你把

此詩呈上萬歲爺。切不可與楊家的知道。老旦奴

婢曉得先下。旦這事來的蹊蹺。可見聖上不曾忘

我。這些時都被楊家那妖精阻隔住了。一時悶懷

堆積。不免作樓東賦一篇。消遣則箇磨墨拂紙介

山桃紅這些時塵生玉鑑。香冷花鈿。無人見芳心自

憐。對著一雙雙鶯囀風前。一對對花開日邊。閃得我

顧影悲望眼穿。知幾時得見君王面也。則落得淚似

連珠一串。懸想帝座如天遠。長門悄然那得有一夕

羊車到此間。

說便這般說。聖上若果然棄我。何以今日忽有此珍珠之賜呢。一面寫一面唱介。

前腔。果然海山盟斷。雲雨緣慳。爲甚的寒爐畔死灰又燃。驀地裏綸綍再宣。赤緊的珍珠一船。因爲他意思勤。惹得我魂夢牽。這椿兒消息。窺難見也。悲喜無端。欲問天。想帝座如天遠。長門悄然。怎生得一片佳音到此間。

賦已完成。有甚法兒。得到萬歲跟前。嗔看介。

綿搭絮舊恩新怨。交集到毫顛。不費黃金。抵得文園賦一篇。想當初侍奉君前也。曾經酒邊執手。花亞隨肩。如今呵。縱有萬種相思。訴不到君王兩耳邊。

尾聲。謝君恩多繾綣。阿呀萬歲爺。啊縱使你肯回心。把薄命憐。怕有箇人兒。不容你將心事展。

樂天開閣

大石引子東風第一枝外扮白居易上楊柳青歸櫻桃紅
綻春光欲去還畱天容老子婆娑一生常住溫柔吟
詩醉酒看看到六十平頭世間萬事浮雲聲名官職
都休

白髮生來三十年而今鬚鬢盡皤然歌吟終日如
狂叟衰病多時似瘦仙老夫姓白名居易表字樂
天山西太原人也家本通華世傳儒雅少年登第
先題雁塔之名壯歲服官久列鳳池之選讜言陳

於螭陛。妙譽播於雞林。只是時遇艱危。性甘恬退。雖朝中牛李。人多開黨錮之風。而天下蘇杭。我獨得江山之助。向來絲竹列於後堂。粉黛充於下陳。如今年紀老了。何苦耽擱那些少年妮子在此。意欲放他們出去。各尋婚配。不免喚他們出來。分付一番。管家婆那里。老旦上。閨中稱室老。堂上見恩官。老爺有何分付。外。你去喚樊素小蠻一班妮子出來。老旦。曉得。向內喚介。素娘蠻姐。老爺呼喚你們。內應介。來了。

玉樓春。貼扮小蠻上。蕙心紈質天生就。幼在高門奉箕帚。旦扮樊素上。此生常侍老尙書。博得芳名長不朽。

同見介。老爺喚我等出來。有何分付。外。我不爲別的。只爲我年已六旬。你二人皆青春年少。自古道。男子生而願爲之有室。女子生而願爲之有家。我時光有限。畱你們在此。終屬不了之局。且聽我道來。

念奴嬌。序。人生如寄。我江湖落拓。蕭蕭白髮盈頭。你

兩人呵，錦瑟華年春正好。須尋箇燕侶鶯儔。知否自古。明月難圓。彩雲易散。百年只有須臾候。趁著這紅顏綠鬢。要未雨綢繆。

旦貼阿呀，此話從何而起。我等二人自幼蒙恩撫養，教習詩書，兼授音律，費却許多心力，而且視若掌珍，今自分並無過犯，忽然提此離散的話，不知台意云何。妾等寔所不解。外這箇有何難解。有詩爲証：兩枝楊柳小樓中，嫋娜多年伴醉翁。明日放歸歸去後，世間應不要春風。

前腔換頭聽剖。非是我無情無意。故將人拋撇。常言女大不中畱。記得先皇三千宮內女。一時齊賦睢鳩。休咎。貌要相當。年須相若。我歲寒松柏。怎做海棠儔。須知道長筵千里。終有時休。

老旦二位姐姐聽著，這都是老爺的好話，是體卹你們的意思，你們不如依了老爺，承受這箇恩典罷。貼向前拜謝介。

前腔換頭生受幾年。豢養媿庸姿。劣貌不堪侍奉。衾裯許我青春年。少子出去別尋嘉耦。高厚結草有心。

啣環無術。此恩此德。怎生酬。惟願祝香山一老。福壽
雙修。

外好。你此去夫婦齊眉。兒孫繞膝。就不枉我老夫
這一片熱心了。貼先下旦獨向前介外。你怎麼說。
旦妾心與他不同。要老爺俯垂鑒察。妾在老爺尊
前呵。

前腔換頭。希有幾年。參養似生身。父母怎生一。旦相
丟。驀聽尊前分付語。教人紅淚先流。垂宥我命弱如
絲心。堅似鐵琵琶。誓不過別人舟。惟願侍香山一老。

常共春秋

老旦在旁點頭拍手介。好。有志氣。老爺啊。素娘既
有這樣志氣。老爺必須允從。不要孤負了他。外笑
介。這一箇又這樣說。正所謂士各有志。無能相強。
管家婆。你把小蠻交還了他的父母。聽其自行擇
配。單把這樊素畱下便了。旦福介。多謝老爺。老旦
老婢曉得。先下外攜旦手行介。

中。古輪臺外。話啁啾。似依依飛鳥。向人投。百般恩愛
誰能夠。一箇老人。星宿一箇少女。風流猛判得白頭。

相守。他們那些人呵。雨意雲情。鸞交鳳友。算來都是
鬼胡油。誰似你安心耐久。直恁的義重山邱。愛煞你
龐兒可意。言兒中肯。心兒應口。一樣女兒。儔賢和否。
真如同器。有薰蕕。

〔作至內室各坐介〕

前腔換頭。旦。鶯鶯燕燕。好處喜勾留。從今後。捧硯司
花。不離左右。旣侍衾裯。怎說得別尋嘉耦。祝東君壽
考無期。我歡娛自有。真箇閨中少婦。不知愁。春光迤
逗。看香生荳蔻梢頭。這般情分。這般緣法。這般輻輳。

此事豈人由。安心守。錦前程。只向箇中求。〔各起介〕合
餘文浮萍散。逝水流。情到不堪回首。只有這一段。因
緣。直到頭。〔同下〕

賈島祭詩

末扮賈島上。爆竹聲中一歲除。春風送暖入屠蘇。迎來富貴占新夢。鞭得聰明讀舊書。老夫姓賈名島。字浪仙。京兆咸陽人也。幼年學佛。栖栖蘭若之中。壯歲求官。碌碌金門之下。只是文章憎命。遇合宜緣。常逢鄧禹之笑人。安得鮑子之知我。這幾年託迹長安。以爲進取之計。尙未見有甚機會。今日是大除之夕。家家饋歲。處處迎年。惟有我輩。客舍荒涼。人情落莫。好不頹氣人也。

商調集賢賓末你看他東鳥西兔迅如飛早雙鬢生絲

十載長安衣化緇幾曾經颺拜天墀風塵羈旅忘記

了山中甲子輪指計馬齒又加長矣歎介

想我當初窮困棄俗出家法名無本在京城護國寺安單一日天街閑步偶然得詩兩句道是鳥宿池邊樹僧推月下門又要把僧推改作僧敲心中遲疑不決儘是口裡吟哦那里曉得京兆尹昌黎韓公前來我不知不覺闖了他的五花頭踏那些牙爪人等好不利害把我一把擒到韓公馬前韓

公便道你這和尚不在寺裡焚修却到街頭閑闖遇了官府前來不知迴避是何道理我便道貧衲適來卽景吟詩因斟酌詩中之字却忘懷了不及迴避死罪死罪韓公便道你吟的什麼詩句我便誦了這兩句詩又道意欲改推字作敲字斟酌未定韓公聽了哈哈大笑替我以手作推敲之勢半晌方說道推字不及敲字的好又道你有如此妙才何苦跟那些禿子幹這沒下梢的勾當你若還俗應舉管教你取青紫如拾芥耳我因此還了俗

重新做起秀才來，如今世上像韓公這樣人，也就難得了。

前腔末我池邊月下賦新詩。他一字爲師，如此憐才。人有幾算。當今應讓昌黎紛紛。餘子費盡了百般鑽刺。真知己四海一人足矣。

且住。我想今日大除之夕，那家不酬神祭祖。我們做秀才的人，起家發迹，都在這幾句詩上，不免也祭他一祭。權當還箇愿心，有理。噯，有理。童兒那里。童虛上有末，你將我的詩本取來，一面整備香燭。

酒肴伺候。童曉得取詩呈末介。虛下末執詩翻閱介。

黃鶯兒末執卷自思維。這些兒值甚的論窮說達。閑爭氣詩魔呵太奇。詩囚呵可悲。就中領略盡寒酸味。重歔歔。一生心苦只怕那解人稀。

童香燭酒肴均已齊備。請相公拈香。末將詩本供桌上拈香行禮介。

前腔末寶篆蒸金猊。笑貧家敝帚奇。一篇篇覷得來。珠璣似聰明。誤伊推敲自知。歎無緣及不得瓊林第。

憶當時吟安一字。撚斷了數莖髭。

老生扮孟郊。小生扮李賀。同上旅館。誰相問。寒燈獨可親。一年將盡夜。萬里未歸人。老生我孟東野。小生我李長吉。合都因應舉入京。長安流滯。今日大除之夕。相約去候賈浪仙。此間已是不免徑入。童孟李二位相公來了。請裡面坐。進見介。二生浪仙在此何幹。末笑介。節逢除夕。客舍無聊。因將今年所作詩篇。祭奠一番。以酬辛苦。二兄既來。可以同享餽餘。二生好韻事也。末童兒撤去整理。伺候。

我與二位相公守歲消夜。童應下。末二兄請坐。各坐介。

琥珀貓兒墜。老生浪仙兄呵。你這清詞麗句。漫道賞音稀。試問那百兩黃金鑄的誰。比如我十年困頓在茅茨。栖栖直恁的無宦無婚。又無食無衣。

末咳。窮途景況。彼此同之。我兩人日暮塗遠。大約不濟事了。若長吉方在妙齡。正是前程萬里哩。小生呀。二位兄呵。

前腔。小生我蛇神牛鬼。涉筆便精奇。每日價打疊詩。

囊付小奚。我秋齋自夢蝶兒飛。休提有幾輩高軒肯過柴扉。

副淨扮差官上。桃符除舊歲。花譜報新官。進介賈
翁在上。京兆府差官叩頭。末官人何來。副淨小官
奉京兆韓翁之命。特來報喜。今爲長江尉缺人。韓
翁保舉賈翁。堪勝此任。奉到聖旨欽依。送有官告
在此。請賈翁卽日走馬上任。末原來如此。就煩官
人多多上覆韓翁。明日還要親自踵門叩謝。副淨
小官告辭。末多多有慢。副淨先下。二生揖介恭喜。

浪仙兄。有此美除了。末遠方一尉。算得什麼功名。
說也惶愧。

尾聲。末歎卑官。短盡英雄氣。說不到男兒得意。二生
自古一命之士。無非民之父母。明日榮行。當出城相
送。看你一路春風趁馬蹄。同下。

琴操參禪

末扮參寥上。十里西湖跨六橋。一枝楊柳一枝桃。
雲封鸞嶺飛來石。風捲錢唐射退潮。貧僧道潛法
號參寥子。自幼出家。栖止在南屏山下。讀三藏之
秘文。修四禪之正覺。觀河悟道。歎百歲之有涯。指
月明心。識萬川之同印。湖山如繡。空是色。色亦是
空。日月似梭。去又來。來者又去。看世人爭名奪利。
無非身外因緣。念我佛喫飯穿衣。總是眼前功德。
這也不在話下。近日眉山蘇學士來守是邦。與貧

僧言下機緣投合，常常過從此。公元是五戒禪師，後身根器儘好。今早差人來說，要來湖上談禪，不免掃室布席，烹茶伺候。侍者：我暫回方丈止靜。蘇學士到時，卽忙通報。侍應介末下。

北黃鐘醉花陰

外扮蘇東坡付淨丑二役隨上十里澄

波鏡中瀉，四面峰嵐如畫。說甚春明門外，卽天涯想。人生何處非家，且告箇尋芳假。載酒問桑麻，這些兒也閑當耍。

水光瀲灩晴方好，山色空濛雨亦奇。若把西湖比

西子，淡粧穠抹也相宜。下官姓蘇，名軾，表字子瞻。

西蜀眉山人也，官拜杭州太守，且喜山郡清閑，人

事簡淡，簿書有暇，桴鼓無驚。此間有箇參寥子，道

行圓通，不同凡俗，俺與他時常款接，言頗投機，又

有箇妓女琴操，雖身在風塵，性耽禪悅，幾次向我

說，要同往參寥子處一參。今日閑暇無事，不免攜

他一行，了此一段公案。左右付淨應介有外我今

日往湖上閑游，汝可到琴操家，喚他速至湖舡，伺

候，不得有違。付淨曉得分下。

南畫眉序貼扮琴操上歷盡繁華覷破方知世緣假

但逢人獻笑打疊起嗟呀付淨親奉恩官命來傳樂

戶家此間已是有入麼貼尊駕是那里來的付淨俺

奉府主太爺之命今日在湖上宴游喚你承應貼曉

得了我奉官符顛倒衣裳要登畫舫共攀情話付淨

快些本官早經出府你不要遲悞了貼呀聽聲聲官

裡傳呼急且別却堂前媽媽同下外上

北喜鶯遷報湖上蘭橈初駕疊一但逍遙不問其他

烟也波霞偷半日尋僧閑話付淨隨貼上湖山窮勝

事絃管樂清時啓爺琴操喚到了外喚他過舡來世

外相逢夢綠華雖則是陌上花也算有三生緣法休

猜作學道逢魔疊一貼過舡見介外琴操你一晌好

貼風塵中有甚好處

南畫眉序我墮地托生差生小在平康共嬉耍恁飄

零無主命似楊花外似你在風塵中也聲價不小了

貼愛說甚千金夜風月無加則落得背人處淚珠盈

把看今年歡笑明年過終究作一場話靶到介

末迎上介花逕不曾緣客埽蓬門今始為君開學

士公請了。外攜貼登岸介。禪師少禮。貼禪師稽首。
末此位是誰。外此乃教坊妓女琴操。雖居下流。寔
稟上根。一晌欽仰禪師。特來參謁。末佛門廣大。何
所不容。請同到方丈一敘。同行介。

北出隊子。外我羨你佛門廣大。道不的拈花人。一笑。
差他辦一瓣心香。敬叩老僧伽。要你發箇慈悲。渡着
他。休猜是湖上紅蓮。閑作耍。到方丈各坐介。

南滴溜子。末看嬋娟風神蕭灑。料至心皈命也。非是
假。或者有些緣法。只是老僧心性踈懶。不及學士機

鋒犀利。今日權請學士登壇說法。令琴操參究一番。
待老僧証明如何。指外介。你升堂且放參。指貼介。你
莫怕石頭路兒滑。準備着雲門的喝。和那臨濟的打。

外笑介。竿木隨身逢場作戲。有何不可。琴操過來。
我爲長老。爾試參禪。升坐介。貼稽首介。請問堂頭
和尚。何爲湖中景。外落霞與孤鶩齊飛。秋水共長
天一色。貼何爲景中人。外裙拖六幅瀟湘水。鬢掃
巫山一段雲。貼何爲人中意外。隨他楊學士。驚殺
鮑參軍。貼請問和尚。究竟如何。外拍案介。咄。門前

冷落車馬稀，老大嫁作商人婦。
貼驚介：弟子省得了，合掌膜拜介。
願求和尚慈悲超度。
外：琴操聽俺道來。

北刮地風，你三疊琴心奏落霞。
趁着好身手，買弄風華。
朝朝暮暮陽臺下，拚得箇錢樹開花也。
筭耀門楣兒女當家，但道沒包彈明珠無價。
不顧受摧殘，良玉藏瑕。
有一日容色衰，年齒加，冷落了門前車馬。
那時節，秋風兩鬢華，少不得似浮萍漂泊天涯。

貼：弟子願仗慈航，脫離苦海。
俯伏介。
外：你既然言下省悟，我就託付你在潛公座下剃度爲尼。
你意如何？
貼又拜介：弟子情愿棄俗出家，但求剃度。
外起介：潛公此女根器非凡，你可爲他摩頂受記。
末呀，此事非可輕議也。

南滴滴金：他是箇瑣瑣褻釵亞，百戲場中生長大。
幾曾經習過空王法，不過聽堂頭一句話。
那里便拴得住心猿意馬。
今日一時高興出了家，倘後動凡心，破了戒，畱在空門，枉教人笑殺。

外：禪師不是這等說，却不道千里之馬，見鞭影而

馳彼既有心慕道理合隨緣接引

北四門子你不見西天天女從天下向維摩丈室散
花當時共證無生話幾曾經擔甚差今日裡他叩着
咱咱化着他定然此生緣分嘉禪師呵你可依了咱
度了他自古道佛門廣大

末哦既承學士如此諄諄囑付俺竟度他爲尼便
了琴操過來俺與你佛前懺悔

南鮑老催貼世尊釋迦我烟花賤質今出家算多生
罪業似無量沙從今把鈿扇拋香纓摘雲鬟卸怕情
人牽引到鴛鴦社便天孫也不願向牽牛嫁我辦一
片至誠心投在靈山下

外懺悔已畢此間清波門外有一紫竹林地頗幽
僻俺送你到彼閉戶焚修靜候禪師爲你祝髮便
了貼多謝學士還求學士在教坊籍上除了賤名
外這箇自然不消你呈念也琴操你此去苦志修
行早成正果聽俺道來

北古水仙子你你你出了家把把把一切塵緣
都放下向向向青山邊結箇茅廬永永永別了

歌臺舞榭。須須須。須須須。知吾生自有涯。休休休。思量
着。往日風華。問問問。問問問。十二時中作甚麼。要要要
明心見性。把無常謝。博博博。博博博。得箇猛火裡。現出蓮
花。

貼謹依鈞旨。俺辭了學士禪師。就此去也。

南雙聲子。俺蓮臺下。蓮臺下。證果了。無生法。平康巷
平康巷。提起了。心驚怕。真心話。真心話。非虛假。非虛
假。看幾多。烟花孽障。骯髒。嬌娃。先下。

外今日這一樁公案。功德不小也。末便是。外俺也。

辭別了禪師歸去罷。末簡慢學士。外異日再來奉

訪。請了。末請了。先下。外弔場介。

尾聲。歎人生。根器豈能假。看他俏身材。披着一領袈
裟。似摩登女。回向在如來高座下。下。

對山救友生扮康海上

西堂新釀酒如泉。還我南窗酒聖編。有景便看看。
便醉。古今人裡讓誰先。下官姓康。名海。表字德涵。
關中武功人也。幼懷貞敏。共稱才氣無雙。早拾科
名。獨擅賢良第一。五車淹貫。衆人呼爲行秘書。百
藝風流。當世目爲都散漢。且喜官居翰苑。職列仙
曹。地望清華。人事簡淡。每日朝參之外。不過賦詩
飲酒而已。今日閒暇無事。不免拊琴一曲。以消清
晝。琴童那里。丑扮琴童上。中郎舊譜傳焦尾。樂府

新篇重務頭。老翁有何分付。生你取琴過來。丑應取琴置案上。生入坐彈介。丑虛下。

南 呂 嬾畫眉 生 靜坐南軒對薰風。家有中郎爨下桐。高山流水意無窮。我信手成三弄。但恐知音未易逢。

旦 上鏡檻朝雲膩。金爐夜篆清。一門安樂處。琴瑟自和鳴。相 見介。原來相公在此操琴。生 下官書齋

獨坐。偶爾拊琴一曲。旦 不知相公適纔所彈何曲。生 嗷。彈了一曲高山流水。旦 此曲何人所製。生 原來夫人不知。當初楚國有箇伯牙大夫。精於琴學。

一日出游。偶然泊舟江岸。坐在船中操琴。岸上有箇樵夫。倚柯而聽。伯牙志在高山。那樵夫便說。美哉巍巍乎若高山。伯牙志在流水。那樵夫便說。美哉洋洋乎若流水。伯牙聽得此語。登時喚那樵夫。問他姓名。原來是箇山中隱士。叫做鍾子期。兩人話到投機。結爲八拜之交。後來鍾子期先死。伯牙終身不復鼓琴。蓋傷知音之難也。旦 這般朋友也。算古今稀有的了。生 正是。

東 甌令 生 他一言合。兩心同。金石論交見古風。死生

意氣千金重。似天際鸞和鳳。笑今人翻覆雨雲蹤。此
義再難逢。

末上室有琴書樂。門無車馬喧。老爺在上。方纔老
奴門前閑立。忽有一人。問此間可是康狀元寓所。
老奴說道。正是。他便取出一封書來。老奴問他何
處來的。他又不肯說。慌慌張張徑自去了。書函呈
上。生拆看。沉吟介。旦。這是何人的書。生。夫人好奇。
怪。封函內並無書信。只有兩指濶的一箇紙條兒。
上有四字。道對山救我。又無名款。夫人你看。嗟。豈

不蹺蹄。旦。相公可認得是誰的筆迹。生。細看介。哦。
這筆迹好似李崆峒的。旦。李公今在何處。生。夫人
不知。近日朝內公卿。有本參劾太監劉瑾專權誤
國。有人說這本是李崆峒捉刀的。劉瑾聞而大怒。
把他拿交錦衣衛治罪。生死尙在不測。嗟。旦。這等
說來。這信是他無疑了。但不知相公可有門路救
他。生。嗔。那劉瑾是俺同鄉。幾次託人來說。要我在
他門下走走。我想我是箇朝廷文學侍從之臣。豈
可與宦寺往來。所以拒而不往。旦。相公說那里話。

來自古道，男女授受不親，禮也。嫂溺援之以手，權也。相公平居無事，自然不與匪人相比。今李公性命懸於奸璫之手，死生呼吸，相公要保自己名節，坐視其死而不救，李公倘有不測之禍，豈非冥冥中負此良友。

前腔。且他與你文章契，性情通。十載知交，管鮑同他。今身遭陷阱，心驚痛無路，向皇天控。你今日若坐視不救呵，他時地下若相逢，怕無面見崆峒。

生。夫人言之有理，我康海何惜一身，而躊躇不決。耶童兒告訴長班，隨我到司禮監劉家去。先下。且相公此去，必有佳音，李公可望生全矣。下。

針線箱。丑扮劉瑾上。俺倚皇家內官，尊重作威福。百寮趨奉，儘虛脾一味，把官家哄賺得他十分信用。縱忠良言語相譏諷，我自有機謀鬼域同。真天縱，恰時來輻輳主閤臣庸。

咱家劉瑾，原是當今正德皇帝一箇藩邸舊人。主上既登大寶，卽封我爲司禮監，掌百官之奏章，傳一人之命令。真箇是口銜天憲，手執朝權，順我者

生逆我者死，可笑那些讀書官兒，不達時務，動不動上一本，說道宦官職在掃除，不可干與國政，我倒好笑。宦官既然干與不得國政，朝廷又要這司禮監怎麼？萬歲見了那些本章，哈哈大笑，對我說：『這是你的對頭，你自己去處分了罷。』咱家就說：『這些直言敢諫的，都是忠臣。』萬歲爺笑道：『什麼叫做忠臣？不過書獃子一派迂腐見識罷了。咱家得了萬歲爺這句話，便把他們貶的貶，殺的殺，盡情處置一番。如今說獃話的人也漸漸少了，只是有箇

新科狀元康海，是咱們那里武功人，咱念他是箇同鄉人，有心結識他，也曾經託人便中致意，他竟杳然不來，難道也是一箇迂腐的。』雜扮小太監上

門前來貴客堂上報恩官，啓爺：狀元康海來拜丑

是誰？**雜**：狀元康海。**丑**：笑介：咱家正在這里想他，他

恰好來了，道有請。**雜**：應介。**丑**：來啊，開正門，說我出

來。**雜**：應介。**丑**：來啊，分付廚房預備筵席，要豐盛些，

一面傳喚女樂伺候。**雜**：曉得。**生**：枉已行權，天可表

救人從井，我何妨？相見介。**丑**：康先兒，你是箇關中

才子天上文星，今日甚風吹得到此。生老公公光依日月，職掌絲綸，下官久有晉謁之心。前日有箇朋友說起，老公公十分垂問，故今日潔誠參拜。丑阿呀，咱家那里當得起。分賓主坐介。丑康先兒這幾日外間可有什麼談論。生下官詞垣散秩，不過文學侍從而已。外間議論一些不知。丑好好，翰林官兒，原該閉戶讀書，萬歲爺嘗說這些秀才官兒，不去讀自己的書，單愛來管別人家的閑事，可知那些官兒造言生事，萬歲是不喜歡的。雜虛上筵

席已齊。生初次晉謁，何勞盛款。丑窮內官，一杯水酒，不要笑話。安席介。

前腔。丑你是天上神仙貴種，要作皇朝梁棟。在玉皇香案常陪奉，比不得尋常庸衆。今日畫堂開宴風光動，多謝你蕭史雲車降碧空，多珍重。要開懷暢飲，一醉千鍾。

生多承公公款待，下官敢不盡歡。丑孩子們，喚咱們家樂出來。雜旦扮四伎上。魚吹細浪，搖歌扇，燕蹴飛花落舞筵。狀元爺在上，歌伎叩頭。生請起。丑

你們好好敬狀元的酒。旦進酒介。

寄生草。雜旦合。天上星辰隊。人間錦繡才。慈恩塢上題的芳名在。承明殿下領的神仙派。廣寒宮裡博得嫦娥愛。今日春風吹送馬蹄來。東君歡喜天來大。

丑侍女們快取玉盃來敬狀元的酒。生公公賞酒。本當盡量。只是下官有些心事不快。不能多飲。丑咳。老先又來了。憑你有多少心事。告訴咱家。沒有完不了的事。生承公公美意。只是下官初次相見。

不好啓齒。丑咳。你又來了。不要迂濶。有什麼事情。告訴我。生下官有箇朋友。喚做李夢陽。與我有骨肉之愛。如今不知爲著何事。拿在錦衣衛問罪。吉凶未卜。故爾心上放他不下。丑噯。那箇李夢陽。他也是咱們北方人。却挈著那些蠻子官兒。動上一本說俺許多不是。所以拿交錦衣衛耐耐他的性兒。生阿呀。那李夢陽。極是箇安分守己的人。一些外事。不肯干預的。公公所聞。安知不出于仇人之口。丑既是康先兒的好友。不要管他是與不是。我

不計較他便了。只是你要飲這一斗，我就叫人去放他。生：公公果然如此，我康海今日就是醉死也說不得了。丑：好好，侍女們送酒。雜：旦送酒。介：孤雁飛生，百壺清酒如泉涌，直恁的主人情重。把囚鸞檻鳳輕輕縱，不計較譏和諷。他犯的是瓜田李下，你疑的是蛇影盃中。你爲我一時慷慨，我代他百般惶恐。如今魚逝滄波，鶴放遙空，優容似這般高。諛難逢。

生飲告乾，介丑：孩子們，走一箇去對那錦衣衛堂。

官說那箇李夢陽不用勘問了，好好放他回家去罷。你等看他們把人放了，再來回話。雜應下。生多。

謝公公推愛。

前腔：生謝公家一諾千金重，不讓季心伯仲。怪不得滿朝臣宰多稱頌，值得大家尊寵。雜上：公公，那李夢

陽已經釋放了，錦衣衛明日補送文書上來。丑：知道了。生：多承公公美意，下官再飲一杯。旦進酒。介：合筵

前燭跋簾外花濃，舞衫歌扇雲飛雷動。美景良辰酒綠燈紅，歡悰嘉賓賢主和同。

生醉介多承款待，不覺大醉，告辭了。丑康先兒今日倒委屈空坐了。生起介既醉以酒，既飽以德，醉了，改日奉謝。丑送至門。介好一箇風流才子，領雜先下。生弔場。此事我雖自貶名節，崆峒由此得生，吾復何憾。

尾聲爲良朋受屈，心驚痛，不憚向匪人胡哄，須知我不是趨炎附勢蟲。下



